

SERASERA

Manenjana amin'ireo tsy manan-tsiny indray Ramatoa ministra Lozabe

Manenjana ny tsy manantsiny indray Ramatoa Lozabe, tsy refesimandidy misahana ny serasera sy ny kolontsina, Lalatiana Rakotondrazafy amin'izao ankatoky ny fanadinana fitsapam-pahaizana, an'ireo mpikambana ao amin'ny governamanta izao. Mpisa 52 be izao no indray noroahina tamin'ny faran'ny herinandro teo, tao amin'ny ORTM, na ny Ofis-in'ny radio sy televiziona Malagasy. Ireo mpisa karomain'ny orianasa manokana, na ECD avokoa ireo noroahina tamin'ny fomba feno habibiana sy fanitsakitsahana ankitsirano ny zon'ireo mpisa izao. Fandroahana tsy misy antony akory na "renvois sans motif". Tsy nisy ihany koa ny fampilazana mialoha na "Préavis" araka izay tondroin'ny lalana mifehy ny asa, fa avy hatrany dia taratasy midina nosoniavin-dRamatoa Ministra Lozabe, misy koa moa no milaza hoe Ramatoa Ministra SMOTIG, maneho ny lisitr'ireo mpisa voaroaka, no naterin'ny "coursier" isaky ny lehiben'ny sampandraharaeo anivon'ny ORTM. Ray sy renim-pianakaviana 52 indray izany izao no manampy isa ireo tsy an'asa eto amin'ny firenena. Tsy nananandRamatoa tsy refesimandidy antra na dia kely aza ny vady aman-janak'ireo mpisa voaroaka ireo. Tsy fantaatra mazava hatreto hoe inona no fepetra nanasokajiana ireo mpisa noroahana ireo. Maro an'isa ireo tanora vao tafiditra niasa tato anatin'ny 3 taona. Teo ihany koa anefa ireo efa nahavita mihoatra ny 10 taona. Raha ny fahadisoana arak'asa indray (faute professionnelle) dia samy tsy nanana olana momba izany izy ireo. Raha ny fanazavana nentin'ny Tale jeneralin'ny ORTM, Jean Yves Belalahy, araka ny fanambarama izay nataony dia nisy ny fitsapam-pahalalana na "evaluation" natao tamin'ireo mpisa. Nambarany fa tsy nahafapo ny fahalalana sy traikefa ara-kasan'ireo mpisa noroahana ireo. Tsiahivina anefa fa mpanao gazety an-tsratra sy mpahay lalana "juriste" avokoa ireo ekipa nambara fa nanadina ireo mpanao gazezin'ny RNM sy TVM ireo. Izany hoe tsy mahalala akory ny fomba fiasan'ny haino aman-jery izany. Misy amin'izy ireo aza no tsy mahalala akory ny fahalalana fotora amin'ny fanaovangazety an-tsary sy feo, ka mampao asa tsy fanao amin'ny radio sy tele. Ny mampalahelo dia soketaina sy haratsiana amin'izao rehetra izao, fa be tsy andraofana ny mpisa ao amin'ny haino amanjerim-panjakana. Ny mahavarana anefa dia mbola ireo mpisa ireo ihany no antsoina mampiofana ireo mpisa vaovao hampidirin'ny minisitra sy ny ekipany. Raha tsiahivina dia ny alatsinainy 6 january

Fiainam-pirenena

Mbola tsy rava ny 4F filamatry ny FFKM

Fihavanana, Fiaiken-keloka, Fibebahana ary Fahamarinana, ireo ny 4F nankatoavin'ireo ray aman-drenim-piangonana, ho filamatra ao amin'ny FFKM. Niarahaba ny filohampirenena izy efatra mirahalahy nombam-bady, mpitarika ny Eem, Ekar, Fjkm, Flm, tamin'ny Alakamisy 09 Janoary 2020 teo, ny ampitson'ny nandavan'ny fitsarana misahana ny ady amin'ny fanjakana sy ara-bola, ny fampitahana ireo lisi-pifidianana vita sonia tamin'ireo fifidianana roa farany sy nitsipahany ireo fitoriana napetrakin'ny Tiako i Madagasikara (TIM), sy ny Kandida Rina Randriamasinoro.

Nanambara ireo ray aman-drenim-piangonana araka ny vaovao nivoaka tamin'ny fihaonana, fa tonga noho ny fanajana ny mpitondra ireto mpitondra fivavahana ireto, ary vonona hitondra ny anjara birikiny amin'ny fampandrosoana ny firenena, Ingahy Filoha rahateo koa nankasitraka izany.

Inona moa izany no andrasana amin'ireto ray amandreny ampanahy ireto, fa tsy ny fitakiana amin'izay manana andrakitra rehetra eto amin'ny firenena, ny amin'ny tokony hampiharana ny 4F, izay hita mibaribary fa voahosihosy amin'izao fitondrana izao, koa voaporofa fa mahay zavatra Andriamanitra satria ny ampitson'ny nisehon'ny fanafenana ny fahamarinana no nisy ny fihaonana tamin'ny filoha sy izy efatra miralahay.

Ny azo ambara dia tena tonga lafatra ny 4F satria sady ara-tsratra masina no mifanaraka amin'ny fahendrena Malagasy, saingy tsy hajain'ny manana andrakitra sy fahefana eto amintsika. Ny Fihavanana fototrin'ny fahendrena Malagasy ary nimatiatesan'ireo razambentsika, indrisy fa nohosihosen'ireo mpanongam-panjakana izany ary raha tiana hanjaka ny tena fihanvana dia mila omena lanja ny fahadiovan'ny fidia-



teo, nandritra ny fananganan-tsaina fanaon'ny Ministera isaky ny alatsinainy voalohan'ny volana, no nambaran-dRamatoa Minisitry ny serasera sy ny kolontsaina izao fepera ho raisiny momba ny mpisa izao. Namafisiny tamin'izany fa tsy matahotra ny tomban'ezaka atao amin'ireo mpikambana amin'ny governemanta ny tenany, satria efa tafiditra tao anatin'ny vinan'asany ny fandroahana ireo mpisa ECD rehetra ao amin'ny Ministera iandraiketany. Raha atao ny jery todika dia ny Ministeran'ny serasera sy ny kolontsaina, no Ministera nahitana olana sy niteraka resabe nandoto ny fitondram-panjakana be indrindra tao anatin'ny herintaona nitsanganan'ny governamanta. Efa tsy zoviana amin'ny mpanara-baovao intsony ny fandrahonana sy fanagejana ny mpisa eo ambany fiadi-diany, ary tsy azo hodian-tsya hita ihany koa ny disadisa eo amin-dRamatoa Ministra Lozabe sy ny mpikambana baha ao amin'ny governemanta sy ny fitondram-panjakana, indrindra fa ny talen'ny serasera eo anivon'ny fiadi-dina ny repoblika. Araka ny vaovao voaray dia nigagana mihitsy ny ady teo amin'izy ireo vavy ireo tany an-dafy tany. Tsy misy marina izay tsy hipoitra tokoa, fa toy ireny ady an-tsena eny Tsaralalana ireny mihitsy ny adin'izy ireo tamin'izany. Izany no santonany amin'ireo olona manodidina ny filohan'ny mpanongam-panjakana Andry Rajoelina ankehitriny. Ho hita eo indray araka izany hoe: hatraiza ny fahefana ananan-dRamatoa Minisitra, na ny fahaiza-manaony manokana, ka mbola hitazonan'ny Filohampirenena sy ny Praiministra azy eo amin'ny toerany. Poizina ho azy ireo mantsy ity Ramatoa ministra Lozabe ity.

Ny Valosoa

nana.

Ny Fiaikenkeloka, tsy misy tsy nanao fahadisoana tetra amin'ny firenena, saingy ny zava-doza, ireo tompon'ny heloka sy asa ratsy dia tsy niaiky ny heloka nataony fa vao mainka aza mamadozoa.

Ny Fibebahana: zava-dehibe eo amin'ny lafiny finoana ny fibebahana, satria midika ho fahasahiana tsy hame-rinkeloka intsony, ireo nahazo fahefana anefa nantain-kanirina vao mainka mampivandravandra.

Ny Fahamarinana indray dia tsy takona afenina, fa mibaribary toy ny tafika andrefan-tanana ny fanoisihos-sen'ny mpitondra izany fahamarinana izany, raha tsy hiresaka afa-tsya ny tsy fahadiovan'ny fididianana isika. Mankalaza ny faha 40 taonany ny FFKM, antenaina fa hijoro ireo ray aman-drenim-piangonana ho sahy ha-motsipotsitra ny tsy mety ataon'ireo mitana ny fahefana eto amintsika, antenaina fa ho vitan'izy ireo izany, ka ho heninkaja sy ho henimboninahitra ilay faha-40 taona.

Ny Valosoa**Ny Valosoa sy fakafaka**

Manamboninahitra Malagasy Rajoelina ihany no nampamoa-tsampona azy ireo

Isakin'ny 12 Janoary dia misy foana ny antsoina hoe "andron'ny manamboninahitra" eto amintsika, ny fanao amin'izany, vao maraina dia miara-mihazakazaka ireo manamboninahitra, misy ny fampiakarana ny sainampirenena, ka ny manamboninahitra zandriny indrindra no manao ny fibaikoana, avy eo dia manolotra ny fanomezana ho an'ny manampahefana ary dia faranana amin'ny fiaraha-misakafo sy fiaraha-miala hetaheta ilay andron'ny manamboninahitra. Tamin'ny alahady 12 Janoary 2020 teo dia nisy ny fanolorana fanomezana ho an'Ingahy Filoha Andry Rajoelina, tamin'izany no nilazany, fa tokony ho modely amin'ny fitiavan-tanindrazana hono ny manamboninahitra. Tena marina tsy azo iadian-kevitra izay nambarany izay, saingy iza moa no nampamoa-tsampona an'ireo manamboninahitra, fa tsy izy Rajoelina ihany tamin'ireny fanonganam-panjakana tamin'ny 2009 ireny. Rajoelina ihany no nampamoa-tsampona ny manamboninahitra tamin'izany fotoana izany, ka mbola hitoh hatramin'izao izany, satria miainga avy any ambony ny ohatra. Rehefa mpanongam-panjakana, tsy mpanara-dalana toa andRajoelina no Filoha, dia tsy ho mpanara-dalana toa azy koa ny aty amin'ny rafitra ambany. Mitoky fatratra amin'ny foloalindahy sy ny polisim-pirenena izy ankehitriny, fa ireo ihany no hamadika azy. Ny tody toko tsy misy, fa ny fanonganam-panjakana nataony tamin'ny taona 2009 ihany no hiverina aminy. Nilaza izy fa tokony ho modely ny manamboninahitra, ka manomboka izao izany dia hampiseho ny maha-modely azy amin'ny tena fitiavan-tanindrazana amin'izay ireo manamboninahitra, ka isantarana izany dia ny fanaovana fanadihadiana ireo fitaovam-piadiana nasehon'Ingahy filoha tamin'ny fahitalavitra fony izy mbola tsy filoha. Dia ho hita eo ny tohiny.

Ny Valosoa

Mpanao gazety Harifidy Ramanandraibe Niharan'ny fampitahoran'ny fitondrana koa

Tsy misy fahalalahana ny asa fanaovan-gazety eto Madagasikara, raha ny zava-misy niseho teto amin'ny firenena tato ho ato, indrindra raha ny lafiny serasera no jerena. Efa nanamafy izany ny filohan'ny holafitry ny mpanao gazety, Gérard Rakotonirina ary tsy nitsahatra mi-hintsy izy niteny izany, saingy tsy nisy nihaino azy araka ny fitenin'ny tanora ny tompon'andraikitra izay isan'ny mpanao gazety niady ny hisian'ny fahalalahana eto amin'ny firenena. Rehefa nahazo seza ity mpanao gazety lasa ministra dia ny mifanohitra amin'ny fana-jana ny fahalalahana no ataony ankehitriny. Roahina amin'ny tsy rariny ny mpanao gazety niasa an-taonany maro tao amin'ny onjampeom-pirenena RNM sy TVM. Ampitahorina sy ampihorohoroina hatrany ny mpanao gazety, atao ny fomba rehetra anenjehana azy ireo, ka amoronana izao zavatra rehetra izay tsy mitombina akory, satria tsy miray petsapetsa amin'ny mpitondra. Izay no nahazo ny mpanao gazety ao amin'ny IBC, Harifidy Ramanandraibe ny faran'ny herinandro lasa teo. Nosavaina ny tranony ary avy eo nentina tany amin'ny BC Anosy, natao fanadihadiana, fa hoe ahiahiana ho mitazona fitaovam-piadiana tsy aro-dalana izy. Niala maina anefa ny mpisava, fa tsy nahita n'inon'ionona tao an-tokantranon'ity mpanao gazety ity ary nalefa nody ny tenany rehefa vita ny fanadihadiana teny amin'ny BC Anosy, satria tsy nisy zavatra tokony hitazonana azy. Izao fihetsika izao dia manamafy hatrany, fa ma-refo ny mpitondra ka lasa variana manenjika ireo rehetra tsy mitovy firehana aminy fotsiny. Tsy zakan'ity fitondrana ity ny fanadihadiana sy famakafakana, izay lazain'ny fitondrana fa basy hitifirana azy angamba, ka izao miroso amin'ny zavatra mamohetra izao izy ireo dia ny fampitahorana sy ny fanampenam-bava.

Helisoa